

LAWOL KISNDAM



SGM International

***3 Eccleston Street Londres SW1W 9LZ
Angleterre***

Fulani WOS

Wolde Allah woni ngēndam be
baude, nde buri mbeldi kafahi ki
mbeldiji didi.

(Ibraninko'en 4. 12)

Wolde am lortantako har am
mere, amma nde timminan ko
muyi mi fuh.

(Isaya 55. 11)

Natki bolide ma yaina.

(Zabura 119. 130)

TAGEKI DUNIYARU.

Ha puɗɗuki Allah tagi asamanji
e lesdi. (Latanoji 1. 1)

Kala hunde fuh ngam mako lati,
bila mako ko hunde wore latata-
ko ɗum ko lati fuh.
(Yuhanna 1. 3)

TAGEKI NEDDO.

Allah tagi neddo dou zati mudum
dou zati Jaumirawo o tagi mo,
gorko e debbo o tagi be.
(Latanoji 1. 27)

Allah Jaumirawo tagri gorko be
mbulwuldi lesdi, o fufi nder kine
mako pofde ngēndam; o lati
gēto. Allah Jaumirawo awi jarne-
re funanɗe e lesdi Adnin; o
jo'ini ton gorko mo o tagno.
(Latanoji 2. 7, 8)

Jaumirawo Allah ho'yi gorko, o jo'ini mo nder jarnere Adnin ngam o rema nde e o aina nde. Nden Allah Jaumirawo umri gorko, o wi'i mo: "Diga mobgal ledde jarnere fuh nyam nyamde; amma lekki andiraki boddum e kalludum, ta nyam har maki: ngam an, nyande nyamda har maki, maide a mayan."

(Latanoji 2. 15-17)

PUDDUKI HAKKE.

Mbodi burino kala ganyoji ladde fuh hila, di Allah Jaumirawo tagino. Ndi wi'i debbo; "Aye! gonga Allah wi'i, 'Ta nyamon diga kala ledde fuh de jarnere na?' " Debbo jabi mbodi: "Min nyama diga bendaloje ledde jarnere; amma bendaloje lekki gonki caka jarnere, Allah wi'i, 'Ta nyame de, ta meme de, ngam ta mayon.' " Nden

mbodi wi'i debbo: "On mayata; amma Allah andi nyande nde nyamdon de, nden gite modon mabbitoto, latodon bana Allah on andube bodum e kalludum." Nden debbo yi'i lekki ki bodanki nyamde, ki pottanki gite, lekki ki cūnaniki hokkugo andal, o tebi bendaloje maki, o nyami, o hokki goriko hautade e mako, kanjo bo o nyami.

(Latanoji 3. 1-6)

Jaumirawo Allah wi'i debbo: "Dum dume dum kūda dum?" Debbo wi'i: "Mbodi esti mi, nyam mi." Jaumirawo Allah wi'i mbodi: "Ŋgam an a huwi dum a lanama har mobgal bahimeji fuh e mobgal geudi ladde fuh: dou redu mada njahata, e mbulwuldi bo nyamata kala nyalade ngendam mada fuh; mi wadan konnagu hakkunde ma e debbo, e hakkunde danygol ma

e danygol mako; o naman hore mada, an bo a naunan teppere mako.”

Nden o wi'i debbo: “Duddi mi dudfinante torre wāmrū mada, a danyan bibbe be nawarlo; ngenka mada latoto hedi gorko mada, kanke bo o hando dou mada.”

Nden o wi'i gorko: “Ngam an a nani kongol debbo mada, nyamda lekki kin ki umruno ma mi, mbi'ino ma mi, ‘Ta nyam har maki’; lesdi latoto lanandi ngam sababu mada; be torre nyamrata har mari kala nyalade ngēndam mada fuh, gi'e e tuppe ndi fudfanan ma, a nyaman gene 'yole. Be wulwende yeso ma nyamrata nyamdu ma ha lortoda e lesdi ndi ko'yanoda e mudum;

ngam an a mbulwuldi, ha mbulwuldi lortotoda.”

(Latanoji 3. 13-19)

Mbodi kīndi noddandi Iblisa e Saidan, ndi estata duniyaru fuh.

(Wanginde 12. 9)

Ngam sababu gorko goto hakke nati e duniyaru; e ngam hakke maide nati; bana ni non maide sanjitori dou'yimbe fuh, ngam be fuh be mbaɗi hakkeji.

(Ruma'en 5. 12)

DO'YEKI NEDDO KITA YESO ALLAH.

En fuh en latake en ērbe bana bali; kala goto fuh en mīlake e lawol mudum. (Isaya 53. 6)

Jaumirawo, diga dou asamau, mo don yurno dou bibbe 'yimbe, ngam ha o lara to wodi pamowo,

dabbitando Allah. Be fuh be
milake, be fuh be mbonnake;
woda kuwando bongal, woda ko
goto. (Zabura 14. 2, 3)

Bana dum ko winda: “Woda
adilijo ko goto . . . be anda
lawol jam; kulol Allah lataki
yeso gite mabbe . . . be fuh be
mbadi hakkeji e be kadama
teddungal Allah.”

(Ruma'en 3. 10, 17, 18, 23)

Bindol Allah hubli kala fuh les
hakke. (Galatiya'en 3. 22)

YIDE ALLAH HAR 'YIM6E.

Bana ni Allah yirri duniyaru ha
o hokki biyiko bajjo mako,
ngam kala nuddindo mo fuh
halkata, amma latanto mo
ngendam ndūmidam.

(Yuhanna 3. 16)

Yide Allah wangi har meden
nde Allah nuli biyiko bajjo e
duniyaru ngam ha ngēden
ngam mako. Nda, dum woni
yide, en lataki enen ngidi Allah,
amma Allah yidi en ha o nuli
biddo mako ngam kefergal
hakkeji meden.

(1 Yuhanna 4. 9, 10)

GARKI BIDDO ALLAH HAR DUNIYARU.

Dum woni wolde hōlninde nde
fotani jabki fuh, Yesu Kristu
wari nder duniyaru ngam hisnugo
hakke'en. (1 Timotawus 1. 15)

Yesu Kristu, nde o lati sura
jeyado nandudo e 'yimbe, o
yan'kini hore mako.

(Filibbi'en 2. 7)

O donno nder duniyaru, duniyaru tagama e mako, e duniyaru anda mo. (Yuhanna 1. 10)

DANYEKI MAKO.

Danyeki Yesu Kristu latake bana ni non . . . ngam dum timma ko Jaumirawo wi'ino annabijo: "Nda, perwajo redan, o danyan bidfo gorko, be noddan inde mako 'Immanuila,' dum woni labdum majum: "Allah hautade e menden.' " (Matta 1. 18, 22, 23)

A noddan inde mako Yesu, ngam o hisnan 'yimbe mako e hakkeji mabbe. (Matta 1. 21)

ŊGĒNDAM MAKO DOU LES DI.

Allah moiti Yesu, mo ibgo e wuro Nazirati, be Ruhu Cenifo

e be baude; mo yili, mo huwi
hairu e mo hurgi mobgal be
Iblisa ukkani, ngam Allah wondi
be mako. (Kude Nulabe 10. 38)

Yesu yili nder kala berniji e
galluje fuh, o jangini e moborle
mabbe, o wazini seinore lamu
mako, e o hurgi kala nyau e
tampinojum fuh e 'yimbe.
(Matta 9. 35)

Jama'are dunde wari e mako,
la'yanbe e wumbe, muka'en e
jijibe, e wodbe dudbe; be
mbalini be e kosde Yesu; o
hurgi be. (Matta 15. 30)

MAIDE MAKO WONI KEFERGAL 'YIMBE.

Hāndi bi tagu no hokke e jude
'yimbe hakke'en e be ngafa mo.
(Luka 24. 7)

Nde be ngari ha nokkure nde noddetende Golgota, ton be ngafi mo . . . nden Yesu wi'i: "Ya Baba am, yafa be ngam be anda ko be kuwata."

(Luka 23. 33, 34)

O jaunido e dujjado e 'yimbe; gorko naunado e andirado suno . . . en cudi gese meden har mako; o jauninodo amma en teddinai mo. Hakika o rondi sunoji meden, e nawarlo meden o 'yefi; enen bo en gikki mo o musbado, o piado Allah, o toskitido. Amma o yuwama ngam sababu gedde meden, o naunama ngam sababu zunubaji meden . . . pide sulhu meden o 'yefi dou mako; e ngam sababu boci mako en kurgake. En fuh en latake erbe bana bali; kala goto fuh en milake e lawol mudum; Jaumirawo walini dou mako zunubaji mobgal meden

fuh . . . o senditama e lesdi
yēdfbe, o fiama ngam sababu
gedde 'yimbe am. Be mbadi
haurire mako caka 'yimbe hallu-
be e o wondi be diskudo nder
maide mako, ngam o wadaino
zamba e o walano fasikare e
hunduko mako . . . o rufani hore
mako maide; o limtama hautade
e yeddube; o rondi hakkeji
'yimbe dufbe, e o sēti yeddube.

(Isaya 53. 3-6, 8, 9, 12)

Kristu mayi ngam hakkeji meden
bana ko winda e Bindi Allah.

(1 Korinti'en 15. 3)

Nden Yesu wi'i be: "Min woni
gainako bodfo; gainako bodfo
hokka yonki mako ngam bali
mako . . . mi wodi bali godfi,
di lataki nder hoggo ngo; hāndi
no mi wadda di kanji bo; di
nanan sautu am, di latoto
tokkere wore, gainako goto."

(Yuhanna 10. 7, 11, 16)

**'YUMMITINEKI MAKO E
'YEŃNEKI MAKO E ASAMAU.**

Bana non dum windama, hāndi no Kristu nauno e o 'yummito e maibe nyalade tatabre; tubu e yafuye hakkeji wazinama nder inde mako e mobgal ummatoje fuh. (Luka 24. 46, 47)

Allah 'yummitini mo nyalade tatabre, o hokki mo o lato o bangudo; na dou mobgal 'yimbe fuh amma dou sedobe subabe Allah diga aran.

(Kude Nulabe 10. 40, 41)

Bawo o naunakeno o wangani be o gēto be dalilaji dudfi; be ngi'i mo balde cappande nai, e o wolwi fijiji kerdinanadi lamu Allah . . . nde o wi'ino kuje de e be donno ndara mo o 'yenti-nama; rulde ho'yi mo acini gite mabbe. (Kude Nulabe 1. 3, 9)

Allah wanginama e bandu, o barridinama e Ruhu, o yi'inama malaika'en, o wazinama e ummatoje, o nuddinama nder duniyaru, o 'yeytinama e teddungal.
(1 Timotawus 3. 16)

Amma jonta Kristu 'yummytinama e maibe, o latake artudo 'yummago e maibe. Bana no maide wardi ngam neddo, non 'yummytineki maibe bo wardi ngam neddo; bana no mobgal fuh mayi ngam Adama, non mobgal fuh bo yēdira ngam Kristu. (1 Korinti'en 15. 20-22)

LAWOL KISNDAM ALLAH

Dume hāndi mbaɗan mi no mi hisa? . . . Nuddin Jaumirawo Yesu Kristu, kisa.

(Kude Nulabe 16. 30, 31)

Tube, lorte, ngam moitanedon hakkeji modon.

(Kude Nulabe 3. 19)

Tube e mbade baptisma kala goto modon fuh nder inde Yesu Kristu, ngam faruye hakkeji modon, nden kebon dokkal Ruhu Cenido. (Kude Nulabe 2. 38)

To en banginiri be hunduko hakkeji meden, o kōlnido o adilijo ngam o farano en hakkeji meden e o labbina en e kala zunubaji fuh. (1 Yuhanna 1. 9)

To a sedorake be hunduko mada Jaumirawo Yesu, e to a nuddiniri nder bernde mada Allah 'yummyitini mo e maibe, nden a hisan. Ngam dou nuddinki bernde neddo yottorto adilaku; e dou sedoramku hunduko bo o yottorto kisndam.

(Ruma'en 10. 9, 10)

Ngam mo'yere kisrudon, be nuddi-

nki; e dum, dum iurai e
modon, dum dokkal Allah.

(Afasasu'en 2. 8)

Ngam komoye torori inde Jau-
mirawo, o hisan.

(Ruma'en 10. 13)

On garando e am mi wurtinta
mo.

(Yuhanna 6. 37)

Nda, dum woni ngēndam ndūmi-
dam, no be ande an fere ma woni
Allah gondufo, e on mo nulfa,
Yesu Kristu. (Yuhanna 17. 3)

CODTUKI BE 'YI'YAM MAKO.

Jonta e Yesu Kristu, onon ben
dayinobe on baditinama be 'yi-
'yam Kristu. (Afasasu'en 2. 13)

'Yi'yam Yesu Kristu, bi'yiko,
don labbina en e kala hakkeji
fuh. (I Yuhanna 1. 7)

Allah muyi ha kala kebbinadum
fuh jodo nder mako; e o wadi
sulhu be 'yi'yam leggal gafangal
mako ngam ha o hauta kuje fuh
e mako.

(Kolossu'en 1. 19, 20)

On andi on codtorake na be kuje
timmande bana cardi, mabo
kanjeri . . . amma be 'yi'yam
Kristu teddudam.

(1 Bitrusu 1. 18, 19)

E mako en ngodi codtaki be
'yi'yam mako, faruye hakkeji
ngam jaudi mo'yere mako.

(Afasasu'en 1. 7)

Ngam dum 'yi'yam dam woni
kefergal nafsu.

(Al'ada Kirsetedi 17. 11)

To goddo woni nder Kristu o
latake tagdi kesri; kuje kide
calake, nda, kala kuje fuh latake
kese.

(2 Korinti'en 5. 17)

RUHU CENIDO.

Mi toroto Babirawo, e o hokkan
on Bawowo goddo, ngam ha
o jodo be modon ha foroi, Ruhu
gonduo; on mo 'yimbe duni-
yaru mbawata jabgo ngam be
ngi'ata mo, be anda mo; amma
onon on andi mo ngam o don
jodi be modon, o latoto nder
modon.

(Yuhanna 14. 16, 17)

Bawowo, Ruhu Cenido, kanke
mo Baba am nulata be inde am,
o andinan on kala kuje fuh.

(Yuhanna 14. 26)

Ta cunore Ruhu Allah Cenido,
ngam mako mabboridon ha nya-
lade codtaki.

(Afasasu'en 4. 30)

Tokkotire be Ruhu e on kebbinta
sūno bandu.

(Galatiya'en 5. 16)

Kala ben dowanibe Ruhu Allah
fuh, kambe be bibbe Allah.

(Ruma'en 8. 14)

Kebbine be Ruhu.

(Afasasu'en 5. 18)

Bendaloje Ruhu de yide, seyo,
sulhu, munyal, delmenga,
mbodenga, nudfinki, yanjinare,
nantare; dou kuje de woda doka.

(Galatiya'en 5. 22, 23)

CENNKI.

Dum muyo Allah, cennki modon.

(1 Tessaluniki'en 4. 3)

Senn be be gongga mada; wolde
ma woni gongga.

(Yuhanna 17. 17)

Kanƙo cennando e be sennabe,
mogal mabbe fuh iwi e goto,
ngam majum o semtata noddugo
be derdirabe.

(Ibraninko'en 2. 11)

Onon bo, ndare ko'e modon bana
maibe har hakke e bana yedbe
har Allah ngam Yesu Kristu,
Jaumirawo meden.

(Ruma'en 6. 11)

Amma jonta, ngam on rimdinabe
e hakke e latodon jeyabe Allah,
on ngodi bendaloje modon ha

cenaki, e kempe ngēndam ndū-
midam. (Ruma'en 6. 22)

Allah culhudo be hore mako
senna on fuh be timmendam; e o
rena ruhu e nafsu e bandu mo-
don fuh labbinadam hedi garki
Jaumirawo meden, Yesu Kristu.
On mo noddudon o kōlnido, o
huwan dum bo.

(1 Tessaluniki'en 5. 23, 24)

DO'ARE.

Kodume tororidon fuh be inde
am, mi huwan dum, ngam ha
Baba teddinama e Biddo. To
on 'yami kodume be inde am mi
huwan dum.

(Yuhanna 14. 13, 14)

Yo on ngoni nder am e bolide am
ngoni nder modon, 'yame ko
muydon fuh, dum latanto on.

(Yuhanna 15. 7)

'Yame, e on keban, ngam ha
seyo modon lato hewungo.

(Yuhanna 16. 24)

Kala ko 'yamdon fuh wakkati
ndo'otodon, nuddine on keban
dum, e dum latanto on.

(Markusa 11. 24)

Ndo'e be Ruhu kala do'are e
tornde fuh kala wakkati fuh;
aine dou majum be kala tokku-
nde fuh e be tornde ngam mobgal
senibe fuh. (Afasasu'en 6. 18)

Ndo'e, tata ta'ye.

(1 Tessaluniki'en 5. 17)

JAGGAKI E TORRAKI.

Nden Yesu wi'i pukara'en mako:
"To goddo yidi tokkago bawo
am, sei o yan'kina hore mako, o
'yefta gafangal mako o tokko
mi. (Matta 16. 24)

Allah wawan besdango on kala mo'yere fuh; ngam ko on hebbi-nanabe be kala hunde fuh kala wakkati fuh on mbawanno besdugo kala kugal bongal fuh.

(2 Korinti'en 9. 8)

Late on tidbe na on dimbidimbinabe, on duddinanabe kugal Jaumirawo foroi, ngam on andi kugal modon latatako mere har Jaumirawo.

(1 Korinti'en 15. 58)

On mbadanoma mo'yere ngam sababu Kristu, na ngam nuddinon mo tan amma ngam torrodon bo ngam sababu mako.

(Filibbi'en 1. 29)

Amma to on torrake bo ngam sababu adilaku, boddum wonani on; ta kule kulol mabbe . . . ta korkorte.

(1 Bitrusu 3. 14)

To on gajama ngam inde Kristu,
bodɗum wonani on, ngam Ruhu
teddungal e Ruhu Allah don
jodi dou modon.

(1 Bitrusu 4. 14)

DEUKI LABBI KADADUM HAR ALLAH.

Min woni Jaumirawo, Allah ma-
da; ta hoy rewetebe wodɓe
yeso am. Ta huw har mada
lauru sehandu malla sura
kokaye nanduka be kuje de
ngoni nder asamau ha dou, malla
de ngoni ha les dou lesdi, malla
de ngoni nder ndiyam ha les
lesdi; ta sujidan de, ta rewu
de, ngam min, Jaumirawo Allah
mada, mi woni Allah kājudo.

(Gurtaki 20. 2-5)

Kala rewetebe 'yimbe fuh dum
labbi; amma Jaumirawo on
tagi asamanji. (Zabura 96. 5)

En andi wala kodume e lauru nder duniyaru, wala Allah goddo sei goto non.

(I Korinti'en 8. 4)

Allah o goto non, Babirawo, har mako mobgal kuje fuh ngarata e ngam mako ngonanden; e Jaumirawo goto, Yesu Kristu, e mako mobgal kuje fuh ngoni e har mako ngonanden.

(I Korinti'en 8. 6)

Nden Yesu wi'i: "Dillu an Saidan! ngam dum bindadum, 'Cujidana Jaumirawo, Allah mada, e kanjo fere mako ndewata.' "

(Matta 4. 10)

Maine terde bandu modon de dou lesdi, bana njenu, cobki, gidade kallude, suno hallungo, a'yo kanjum dum woni deuki labbi; ngam sababu kuje de

tikkere Allah warata dou bibbe yeddube. (Kolossu'en 3. 5, 6)

JÖTE YĒBAGO KISNDAM ALLAH.

No kisreten to en ngēbake kisndam dam maudam?
(Ibraninko'en 2. 3)

On nuddindo bidfo wodani mo ngēndam ndūmidam; on mo nuddinai bidfo o yi'ata ngēndam, amma tikkere Allah don jodi dou mako. (Yuhanna 3. 36)

Moye matini on ha ndoggon tikkere warande? (Luka 3. 7)

Kan̄ko jālido, o ronan kala kuje fuh, mi latanto mo Allah mako, e o latanto yam bidfo am. Amma hultorbe, soibe nuddi-

nki, sobbe, warrobe, jenobe,
sirobe, rewobe labbi e mobgal
fewobe, gedal mabbe latake nder
wendu hubbandu yite e lowi
yite; dum woni maide d'idaure.
(Wanginde 21. 7, 8)

KISNDAM HAR HALLENDE E SAIDAN.

Allah culhudo naman Saidan les
kosde modon ni seda.
(Ruma'en 16. 20)

Ngette Babirawo . . . mo hisni
en e lamu nyibre, e mo eggini en
nder lamu bidfo gidado mako.
(Kolossu'en 1. 12, 13)

Ngam majum bidfo Allah wangi
ngam ha o mornyita kude
Iblisa. (1 Yuhanna 3. 8)

Jaumirawo meden, Yesu Kristu
. . . hokki hore mako ngam
sababu hakkeji meden, ngam ha
o hisna en e duniyaru wondandu
hallundu, bana Allah, Babirawo
meden, muyiri dum; on mo
teddungal wonani ha forti foroi.

(Galatiya'en 1. 3-5)

Borne kala balmi Allah fuh ha
mbawon tabitingo peuje Iblisa.

(Afasasu'en 6. 11)

Yettore wonani Allah mo dokku-
do en jālorgal be Jaumirawo
meden, Yesu Kristu.

(1 Korinti'en 15. 57)

GARKI KRISTU DIDAHI.

Mi wartan kadi bo, mi hocan on
be am; ngam ha ngon mi,
ngonon onon bo.

(Yuhanna 14. 3)

Yesu ō, 'yentinado dou asamau
diga caka modon, o wartan bana

no ngi'irudon mo o dillirno e
asamau. (Kude Nulabe 1. 11)

Jaumirawo, be hore mako jippoto
e asamau be wokandu umrore,
be sautu malaikajo maudo e be
pūfol Allah; nden maibe nder
Kristu be artan 'yummago, ba-
wodon enen yēdfbe luttube, en
'yentintebe hautade be mabbe
nder dule, ngam pottal e Jau-
mirawo nder hawa; bana non
ngondeten be Jaumirawo ha
foroi.

(1 Tessaluniki'en 4. 16, 17)

To o wangi, en nandan be
mako, ngam en ngi'an mo bana
no o wa'i. (1 Yuhanna 3. 2)

Ngam majum, ndene, ngam on
anda ndeye wakkati Jaumirawo
modon warata . . . onon bo late

on taskitibe ngam wakkati nde
on tammatako, bi tagu waran.

(Matta 24. 42, 44)

Nda, mi don wara be jaudum;
mbarjari am hautade be am
ngam ha mi warjo kala goto fuh
bana kugal mako lati.

(Wanginde 22. 12)

Amina, war Jaumirawo Yesu!

(Wanginde 22. 20)

TINDITINORE JAJGINOWO.

Defitel ngel jogi ayaje cubtade e
Deftere Allah, nde woni Wolde
Allah. A wassoyama be hore ma
keba, njanga Deftere Allah, ngam
nde wanginde gonga Jaumirawo.